



Z wulkej dokonjanosću přaha Jascan Krystof Šolta (srjedža) svoje konje do korejto a wozow. To wědža sej ludžo zbliska a zdaloka wažić. A tuž sej rady tež jězbu w kući sedžo popřewaja wosebje rady po pólnych a lěsnych šćežkach, zo bychy po wšednym dnu wotpinali. Krystof Šolta dźerži při tym jako pohonč wotežki kruće w rukomaj. Susodža a lubowarjo konjaceho sporta kaž Franc Mechela z Pěskec (nalěwo) a Florijan Rynč z Jaseńcy, sej rady na bjesadu na Šoćić statok dojeđu abo dóndu. Foto: Feliks Haza

Změny wobzamknyli

Delanska gmejnska rada so nachwilnje do wuskosćow dóstała

Ralbicy (JK/SN). Gmejnska rada Ralbicy-Róžant je na wčerawšim posedženju swójeho swěrneho člena Michała Šolta (Swobodne wolerske zjednoćenstwo Delany) z čestnohamtskeho skutkowanja w gmejnskim parlamencie rozhožnowała. Po wjac hač 30 lětach dźěla w zastupnistwje gmejny, z toho wjacore lěta jako zastupowacy wjesnjanaosta, so Šolta nětko na zasluženy wuměnk pada.

Za spomóžne skutkowanje na dobro komuny dźakowachu so jemu wjesnjanaosta Hubertus Rycer (CDU) runje tak kaž zastupjerjo wšitkich w gmejnskej radze zastupjenych frakcijow. Michała Šolta wuznamjenja wosebje jeho měrne, posrědkowace a wjednowace wašnje, štož je so na mnohe rozsudy gmejnskeje rady pozitivnje wuskutkowało. Jako jeho naslědnika zawjazachu Konječana Křesćana Gruhna (Swobodne wolerske zjednoćenstwo Delany), kiž ma tohorunja hi-

žo wjacore lěta nazhonjenja w čestnohamtskim dźěle jako gmejnski radźičel.

Dokelž bě Šolta z dobom zastupowacy wjesnjanaosta, dyrbychu wčera tež za tele zastojnstwo naslědnika wuzwolić. Namjetowanaj běštaj dwaj kandidataj. Ze stron Swobodneho wolerskeho zjednoćenstwa Delany kandidowaše René Wjacławak, a CDU bě Eduarda Luhmanna namjetowała. Wobaj běštaj zwólniway za nowu funkciju zamołwitosć přewzać. Nachwilnje začahny do rjadow radźičelow njeměr, modalitow a wotběha wólbneho procesa dla. Z pomocu předsydy zarjadskeho zwjazka Při Klósterskej wodze Měrka Domaški móžachu so skónčnje na rjadowane wólbny dojednać. Mjeztym pak bě Luhmann swoju kandidaturu cofnył. Tuž wjesnjanaosta jeničce zby, radźičelow wo wothłosowanje za Renéja Wjacławka prosyć. Jednohlósnje wuzwoliachu radźičeljo jeho za přenjeho zastupjerja wjes-

njanosty. To budže jemu dalše wužadnje, wšako ma hižo powołansce jako nawoda Serbskeho gymnazija Budyšin wulce naročny nadawk. Tež w swobodnym času ma dosć zaběry, hdyž na hońtwu chodźi a pčolari. Přiwšěm přeja jemu dosć mocy, na dobro delanskeje gmejny skutkować.

Dalšu změnu w gmejnje připowědźi Monika Cyžowa. Wjele lět bě so z fundusom w twarjenju při gmejnskim zarjedze w Róžeńce swěrnje wo serbsku narodnu drastu starała. Nětko su runosće přemate, zo móhla wšitke dźěle drasty wotpowědnje skladować. Za fundus městna dosć ma doma w Nowej Jaseńcy. Tam chce jón 1. awgusta wotwěć. Wčera podźakowala so wona gmejnskej radze za wšu pomoc a podpěru a přeprasy radźičelow, sej tež nowy domcil fundusa wobhladać, štož woni rady přiwzachu.

Z MĚSTOW A WSOW

Zaso plůwać hić

Kamjenc. Přichodnu pónđzdu, 21. junija, wotwuru Kamjensku kupjel tež zaso za wopytowarjo a towarstwo sport. Šulerjo poskitk hižo wjacore tydženje

zaso wužiwaya. Plůwać móža zajimcy tam zaso w zwučenych časach, nimo srjedy. Tón džen je kupjel stajnje zarjeneda. Sawnu wopytać njeje plaćiwych postajenjow korony dla možno. Wosebity poskitk maja pjatk wot 9.45 do 10.45 hodž. To su předewšěm rentnarjo do hale přeprašeni. W hali pak njemóža zajim-

cy jeničce čary plůwać, ale móža tež wulke suwadło a dalše poskitki zabawnego razu wužiwać.

Dalše wolóženja čitarjam

Budyšin. W Budyskej měšćanskej bibliotece móža so čitarjo zaso posydnyc a při komputeru rešeršować. Tež čitarska kofejownja znowa na přebytk přepraša. Džěłowe a internetowe městna z čišćakom smědža wopytowarjo tež zaso wužiwać. Horni poschod knihownje je tohorunja zaso přistupny. Wlan je za wšitkich přizjewjenych čitarjow darmotny. Switch-konsola je runje tak k dispoziciji. Wo tym informuje nawoda biblioteki Mladen Vuković. Přiwšěm maja wopytowarjo biblioteki postajenja higieny a wěstneho wotstawka dale wobkedźbować.

POLICIJA

■ **Motorske so zwróćilo**
Židžino. Na Starej Berlinskej w Židžinom je minjenu nóc wokoło 22.15 hodž. motorske znjezbožilo. Na statnej dróze S 234 zwróćilo so z dotal njeznateje přičiny šofer ze swojej mašin, jako bě do směra na Wojerjcy po puću. Čezko zranjeného muža nětko w chorowni lěkuja.

■ **Na Hlownej dróze znjezbožiloj**
Korzym. Tež přičina njezboža w Korzymje dotal znata njeje. Tam stej wčera wječor awće Audi a Seat při wotbočacej Hlownej dróze do so zrazyłoj. Dvě wosobje so zranišej, zo dyrbychu jej lékařsce zastarać. Dobrowólna wohnjowa wobora Korzym-Rodecy je so wo wuběžane kapalinu starała. Policija njezbožo nětko dale přeprytuje.

Mały měšćanski swjedžen



Ze stron towarstwa Eine Welt Laden planowany mały měšćanski swjedžen w Biskopicach njeje so minjenu nóc tydženja runjewon zbožownje započal. Spočatnje pokrychu tołste mróče njebo, Drježdžanska dróha njebě sčasom zašlahana, gitarist z Mexika bě sej do porsta rěznył a dyrbyše wotpražić. Přiwšěm je wšitko hišće derje wušo. Džakowano čonom towarstwa chameleon a pomocliwym susodam běchu ławki zestajene, tykanc napječeny, napitki chlódžene a wukładne wokno wuhotowane. Dypkownje předleželi běchu tež trěbne dowolnosće. Hudźbnikaj León Daza (gitara, spěw) a Ivan Araque (bijadła, spěw) z Drježdžan resp. Kolumbiskeje staj publikum z lańskoameriskej hudźbu wulce zahoriłoj. Foto: Eine Weltladen e.V.

Rozrisanje dale wotewrjene

Hamor (AK/SN). Bjerwaldski jězor ma turistiski magnet wostać. Zdobom maja tam rědke družiny ptačkow škitane być. Na wódnej plóninje w formje trapeca ni-maja tuž přichodnje žane wodojězdźidla po puću być. To je dopóznace krajnej di-rekcie Sakska, kotraž reaguje na protesty Hamorskeje gmejny, sakskeho zwjazka płachtakowarjow a krajneho zwjazka wudzerjow. 27. apryla bě wjesnjanaosta Achim Junker (CDU) prezidentce direktorie Reginje Kraushaar wotpowědný list ze stejšćemi přepradać. Přichodne posedženje gmejnskeje rady ma služić dorozumjenju. Zaměr direktorie je, wot potrjechenych stron akceptowane prawniske žadanja za časowje wobmjezowane wužiwanje docpěć. „Krajna direktoria žane přirodoškitne pasma njepostaja. Wona pak wukazuje dźěle wodžiznow, kotrež ni-maja wodojězdźidla wužiwać, dokelž zwjazkowy zakon wo škitce zwěriny zakazuje dźiwje ptaki kruće škitanych družin mylić“, zdžěl rěčnik zarjada dr. Holm Felber. Přirodo- a družinoškitne naprawy njesu hišće w saněrowanskim planje za Bjerwaldski jězor předwidžane, dokelž swój čas znate njebě, kotre družiny zwěrjatow jězor jónu wobsydlēja.“

Přeni naćisk bě předwidžal, w jězoru

plóninu z radiusom tysac metrow trajnje za wodojězdźidla zawrěć. Nětko pak ma ptačoškite pasmo mjeńše być a změje formu trapeca. Krajna direktoria chce naprawu spěšnje zakónčić, za což trjeba přihłosowanje LMBV, kotrež pak dotal hišće njepředleža.

Dalši namjet měri so na časowje wobmjezowane wužiwanje jězora, z čimž su so hižo loni nalěto zaběrali. Wudžerski zwjazk pak so tomu spřećiwješe. Nětko so direktoria prócuje jeho zajimty wobkedźbować a chce wospjet z wudžerjemi rěčć. Zaměr je docpěć prawniske rjadowane časowe wobmjezowanje za wužiwanje jězora. Z krajnej direktorie pak rěka, zo sej Zhorjelski delni přirodoškitny zarjad žada, hižo wobstějacy trapecowu plóninu wosrjedź jězora trajnje zawrěć. Na zakładže dopóznacow wo družinach bě sej zarjad žadał, zo njemědža tam přirodoškitna dla žane wodojězdźidla po puću być. Wšako přebywaja na mjenowanaj plóninje rědke družiny ptakow, kotrež trjebaja wosebite wuměnenja, mjez druhim wulke wódne plóniny, na kotrychž su njemylene, zo móhli so rozmnožić“, Holm Felber informuje. Zdobom wón potwěrđža, zo wjetši džěl jězora turistisce dale wužiwayomny wostanje.

Pod Čornobohom so zetkali



Na přeprašenje Bukečanskeje Bjesady zeřidžechu so wčera wječor tamniši wosadni a dalši hosćo z wokoliny, dohromady dwacećo, na Krygarjec zahrodze we Wuježku. Tam čitaše jim dr. Křesćan Kessner ze swojeje knihi „Swjate su mi twoje hona“. Na poľnócnjej skloninje Čornoboha ležaca zahroda witaše hosći z wočerstwajacej temperatury, štož je zhrmadnemu spěwanju serbskich štučkow polěkowało. Zastaranje z napojemi, z prikuskom a praženymi koľbaskami dobru naladu skulojći. Wječork skónči so z kěrlušom po zhrmadnym Wótčenašu. Wosadny farar Thomas Haenchen je přitomnych požohnował. Krygarjec swójbje za wšu prócu wutrobny džak.

Foto: Arnd Zoba

Wotewru swoje zahrodki

Kamjenc/Njebjelčicy (SN/MiR). Wobdželeni na Dnju wotewrjenych zahrodkow, kotryž towarstwo Stadtwerkstatt Kamenz-Bürgerwiese z podpěru Kamjenskeho citymanagementa přewjedže, su nimo Kamjenčanow tež lětsa zaso mějiceljo zahrodkow na wsach wokoło Lessingowego města, druhu kroc mjeztym Čornakecy w Njebjelčicach. Tak móža sej wopytowarjo zajutřišim, njeđzdu, wot 10 do 18 hodž. tež pola nich zaso tójšto nowe wotkryć.

W Kamjencu a wokolinje chce lětsa na

wšě 23 hobbyjowych zahrodkarjow zajimcam wrota do swojeho raja wotwěć. Njeđzdu změja wćipni mcy w Lessingowym měsće samym na wjacorych městnosćach skladnosć so wobhonić, kak móža sej zahrodku wuhotować. Tam su šesćo nowi partnerjo.

Wšelcy hosćencarjo w Kamjencu so na wosebity džen přihotuja a poruča poskitki, kaž bowlu z kćenjow a truskalcow speciality. Nimo toho chcedža hudźbni šulerjo muzicěrować a spěwać.

NAWĚŠKA J

Achim Chěžka
centralne tepjenja a sanitarne instalacije
mišterski zawod

tepijenja za wolij, plůn, drjewo a pelety
solarna technika | klumpy za ćopłotu
moderne kupjele

Krajna dróha 8 w Chelnje
tel. 03 59 35/33 65
www.keschke-heizungsbau.de

30 lět spuščomny partner

BILDARNA Berno Masopust
Tischlerei Masopust

- wokna z drjewo, plasty a alu
- wankowne a nufkowne durje
- nufkowny wutwar
- twar drjewjanych schodow
- zymiske zahrody
- wakenjcy a žaluzije z drjewo, PVCja a aluminija

Kimbark 33
Pančicy-Kukow
tel. (03 57 96) 9 62 89 handy 01 73 / 7 07 76 80

www.tischlerei-masopust.de • info@tischlerei-masopust.de

muchowe wokna